

## La criazzioni

Quantu cosi beddi crià lu Signuri. Fici tutti cosi perfetti.  
All'arbuli cci detti fogli e frutti, a l'aceddi cci detti l'ali,  
a lu mari l'acqua, fici lu celu, lu sulì, la luna,  
detti culura, forma e vita ad'ognuna.

La cosa cchiù perfetta chi crià fu l'omu.  
Nun risparmià nenti, cci detti forza, 'ntilliggenza e sapiri.  
Lu linchè d'ossa, chiossà cci nni potti mètteri cci nni misi.  
Lu visti di nenti, nudu, cci misi sulu na peddi fina e dilicata,  
nni lu corpu proriu 'mpicciata.

Vidennu ca cci vinni bonu fattu a manu,  
pinzà di dari na cumpagna a d'Adamu.  
Pi falla cci misi tuttu lu so sapiri,  
la fici cchiù bedda, cchiù fina,  
la mudillà cu formi beddi tunni,  
cci misi quarchi cosa superchìu cca e ddà,  
'nzumma la rispittà.

Quannu crià la fimmina, a d'Adamu ci luccicaru l'occhi.  
Taliannula e taliannusi, vitti ca nunn'eranu li stessi,  
pinzà:  
un mutivu cci sarà.

Sta 'nzemmula oi, sta 'nzemmula dumani,  
capì ca 'un putiva stari cu li manu 'mmani,  
nun sapennu la cosa accumulàri,  
la natura stessa cci 'mparà comu fari.

Lu Signuri quannu li vidia 'nzemmula si nni priava,  
tantu ca cci dissi: << Nun pinzati a nenti,  
pinzati sulu a manciari, vùviri e pruciarì,  
a lu restu cci penzu iu a cumannari.>>

Hannu passatu tanti milli e milli anni,  
ancora semu ccà ad'annacàrinni li so danni.

Di poviru figliu ... sintutu diri di l'umanità,  
ti vulissi diri na cosa, ma a va ristari ccà.  
Cc'è lamintera quasi 'n'ogni casa,  
pirchè ti scurdasti a fari na cosa.

A tia 'un t'avissi custatu nenti.  
All'omu cci mittisti ossa unni d'agghè e 'nquantità?  
Chi cci vuliva a mètteri n'ussiceddu propriu dda?